

**Mersija Kukavica, geometar**

Nakon teške bolesti dana 06.03.2003. godine, preminula je u Sarajevu naša draga i uvažena kolegica Mersija Kukavica. Njenom smrću izgubili smo divnog čovjeka i iskrenog prijatelja.

Rođena je 24.12.1937. godine u Kulen Vakufu. Geodetsku školu je završila 1959. godine u Sarajevu, gdje je 1963. godine položila i državni ispit.

Nakon završetka Srednje geodetsko-tehničke škole počinje raditi u Geodetskoj upravi BiH. Formiranjem Geodetskog zavoda 1962. godine nastavlja rad u Zavodu sve do 1986. godine na poslovima gradskog premjera i inženjerske geodezije.

Kao iskusan stručnjak prelazi u Zavod za izgradnju grada Sarajevo – Sektor za katastar komunalnih uređaja gdje je posebno izražavala spremnost da u svakom trenutku pruži nesebičnu pomoć mladim kolegama i na taj način prenese svoje veliko radno iskustvo u izvršavanju odgovarajućih zadataka.

Mersija je prije svega bila dobar čovjek plemenitog srca sa puno duha i razumijevanja za svakoga. Svojom prisutnošću izgradila je odnose među kolegama i kolegicama sa puno tolerancije i topline, što je svakodnevni rad u Zavodu činilo ljepšim.

I onda kada je doznala za svoju tešku bolest i tragičnu smrt svoje mlađe kćerke plijenila je svojom odlučnošću, hrabrošću i razboritošću, sve do kraja 2002. godine kada odlazi u penziju.

Ovom prilikom još jednom izražavamo naše duboko saučešće njenim najmilijim.

Sektor za katastar komunalnih uređaja  
Zavoda za izgradnju Kantona Sarajevo